



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-004-6/23**
Datum: **14.02.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Ingram“ d.d. Srebrenik za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betonske galanterije sa pratećim objektima i sadržajima izgrađenih na zemljištu označenom kao k.č. broj: 89/2 K.O. Uroža, Grad Srebrenik, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Ingram“ d.d. Srebrenik daje se vodna dozvola za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betonske galanterije sa pratećim objektima i sadržajima izgrađenih na zemljištu označenom kao k.č. broj: 89/2 K.O. Uroža, Grad Srebrenik.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik poslovnog objekta za sve vrijeme trajanja ove vodne dozvole obezbjeđuje da se tehnološke otpadne vode koje će nastati u procesu proizvodnje betonske galanterije se prikupljaju i odvođe zasebnim kanalizacionim sistemima do sabirne jame-trokomornog taložnika zapremine cca 9 m³ a potom se dio vode vraća u sistem recirkulacije a drugi dio preko monitoring okna dalja cijevima upušta u oborinsku odvodnju i dalje odvodi u rijeku Tinju.
 - 3.4. Da korisnik poslovnog objekta za sve vrijeme trajanja ove vodne dozvole obezbjeđuje da se tehnološke otpadne vode koje će nastati u procesu pranja mješača i dr. procesne opreme se skupljaju u unutarnji taložnik ispod postrojenja, a zatim se odvođe u vanjski dvokomorni taložnik zapremine V = 15 m³. Voda se nakon taloženja preko monitoring okna zajedno sa oborinskim vodama ispušta u rijeku Tinju.
 - 3.5. Da se redovno vrši monitoring prečišćene otpadne vode iz okna za monitoring (jedan ispust u rijeku Tinju) shodno članu 19. i 20. Uredbe o uslovima ispuštanja otpadnih

voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.

3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

3.7. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20), a ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.8. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.10. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.11. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

3.12. Nakon okončanja svih aktivnosti na obavljanju tehničkog prijema izgrađenih objekata i sadržaja korisnik je u obavezi da ishodovano Rješenje o upotrebnoj dozvoli izdato od strane nadležnog organa dostavi Agenciji.

3.13. Nakon okončanja svih aktivnosti na terenu, a u postupku ishodovanja upotrebne dozvole korisnik je u obavezi da projektnu dokumentaciju: Glavni projekat prikupljanja, tretmana i odvođenja otpadnih voda za objekat betonare „Ingram“ d.d. Srebrenik, urađen od strane TQM d.o.o. Lukavac, broj: 402/22 (10-12/22), februar 2022. godine doradi u skladu sa činjeničnim stanjem na terenu- hidro faza.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

7. U periodu važenja ove dozvole, pravno lice je dužno provoditi sve mjere i aktivnosti propisane istom.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „Ingram“ d.d. Srebrenik obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betonske galanterije sa pratećim objektima i sadržajima izgrađenih na zemljištu označenom kao k.č. broj: 89/2 K.O. Uroža, Grad Srebrenik.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Aktuelni izvod iz sudskog registra izdat od strane Općinskog suda u Tuzli - ovjerena kopija,

- Uvjerjenje o poreznoj registraciji od 24.11.2009. godine izdato od strane Kantonalnog poreznog ureda u Tuzli – ovjerena kopija,

- Rješenje, Up/I broj: 07-18-271/2001 od 06.08.2001. godine izdato od strane Federalnog ministarstva energije, rudarstva i industrije – ovjerena kopija,

- Rješenje o odobrenju za građenje, broj: 08-09-2-3790/22 od 08.12.2022. godine izdato od strane Službe za prostorno uređenje i zaštitu okoline općine Srebrenik - ovjerena kopija,

- Rješenje-Obavijest, broj: 05/2-19-5-178/22 od 28.04.2022. godine izdato od strane Federalnog ministarstva okoliša i turizma – kopija,

- Rješenje o urbanističkoj saglasnosti broj: 08-23-1-2081/21 od 04.11.2021. godine izdato od strane Službe za prostorno uređenje i zaštitu okolice Grada Srebrenik,

- Rješenje o vodnoj saglasnosti, broj: UP-1/21-2-40-085-6/22 od 21.04.2022. godine izdato od strane Agencije za vodno područje rijeke Save, Sarajevo – kopija,

- Izvještaj o monitoringu kvaliteta i kvantiteta otpadnih voda, broj: 2/2 urađen od strane TQM d.o.o. Lukavac, oktobar 2022. godine,

- Izvještaj o monitoringu kvaliteta i kvantiteta otpadnih voda, broj: 1/2 urađen od strane TQM d.o.o. Lukavac, maj 2022. godine,

- Dokaz o uplaćenju federalnoj upravnoj pristojbi na zahtjev.

B Tehnička dokumentacija:

- Glavni projekat prikupljanja, tretmana i odvođenja otpadnih voda za objekat betonare „Ingram“ d.d. Srebrenik, urađen od strane TQM d.o.o. Lukavac, broj: 402/22 (10-12/22), februar 2022. godine

- Revizija glavnog projekta prikupljanja, tretmana i odvođenja otpadnih voda - hala za proizvodnju betonske galanterije, urađena od strane „Euroing“ d.o.o. Bihać, broj: REV/02-02/22, februar 2022. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodnog pogona betonare sa pratećim sadržajima „Ingram“ d.d. Srebrenik izgrađenih na zemljištu označenom kao k.č. broj: 89/2 K.O. Uroža, Grad Srebrenik i tom prilikom sačinjen Zapisnik o izvršenom uviđaju broj: UP-1/21-3-40-004-2/23 od 10.02.2023. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Predmetni proizvodni objekat, hala za proizvodnju betonske galanterije, izgrađena je na zemljištu označenom kao k.č. broj 89/2 K.O. Uroža, Grad Srebrenik. Navedena parcela je površine 115.004 m², označena je kao kamenolom Drenik i u vlasništvu investitora - firme „Ingram“ d.d. Srebrenik.
- Osnovna namjena ovog objekta je proizvodnja i privremeno skladištenje betonske galanterije (ivičnjaci, blokovi, kanalice i sl). Procesi i aktivnosti rada se ogledaju u: proizvodnji betonske galanterije, skladištenju gotovih proizvoda uključujući i administrativne objekte i pomoćne prostorije (garderobe, sanitarne čvorove i sl). Planirani dnevni kapacitet proizvodnje betonske galanterije iznositi cca 90 m³ betonske smješe.
- Pri poslovnom objektu – betonari, nije predviđeno skladištenje nafte, naftnih derivata, ulja i maziva te popravka i servisiranje mehanizacije.
- Voda za rad postrojenja je obezbijedena putem priključka na gradski vodovodni sistem kojim upravlja JP Vodovod i kanalizacija „Srebrenik“ d.d. Srebrenik. Vodomjer je instaliran.
- Tehnološki proces se odvija unutar kruga predmetnog poslovnog objekta i obuhvata sve potrebne postupke i aktivnosti prema propisanim standardima za proizvodnju mase betona. U toku je testna faza rada betonare i proizvodnog pogona.
- Tehnološke otpadne vode koje će nastati u procesu proizvodnje betonske galanterije se prikupljaju i odvođe zasebnim kanalizacionim sistemima do sabirne jame-trokomornog taložnika zapremine cca V=9 m³ a potom se jedan dio vode vraća u sistem recirkulacije, a drugi dio preko monitoring okna dalja cijevima upušta u oborinsku odvodnju i dalje ispušta u recipijent rijeku Tinju.
- Tehnološke otpadne vode koje će nastati u procesu pranja mješača i dr. procesne opreme se skupljaju u unutarnji taložnik- ispod postrojenja, a zatim se odvođe u vanjski dvokomorni taložnik zapremine cca V=15 m³. Voda se nakon taloženja preko monitoring okna zajedno sa oborinskim vodama ispušta u rijeku Tinju.
- Na istom mjesto se vrši ispuštanje obje vrste tehnoloških otpadnih voda (jedan ispust) u konačan recipijent- rijeku Tinju.
- Predmetna parcela na kojoj je izgrađen proizvodni objekat – hala za proizvodnju betonske galanterije, nalazi se na udaljenosti od cca 20 m od rijeke Tinje. Kota terena lokaliteta objekta je cca 194 m n.m. i ista se ne nalazi u području vodnog dobra niti bi predmetni objekat trebao dolaziti pod uticaj velikih voda rijeke Tinje ranga javljanja 1/100 godina. Kompleks objekata „Ingram“ d.d. Srebrenik nalazi se van zaštitne zone izvorišta kao i ostalih zaštitnih zona.
- U toku je realizacija aktivnosti na tehničkom prijemu izgrađenih objekata i sadržaja. Rješenje o vodnoj dozvoli je dio neophodne dokumentacije. Nakon okončanja svih aktivnosti na terenu, a u postupku ishodovanja upotrebne dozvole korisnik je u obavezi da projektnu dokumentaciju: Glavni projekat prikupljanja, tretmana i odvođenja otpadnih voda za objekat betonare „Ingram“ d.d. Srebrenik, urađen od strane TQM d.o.o. Lukavac, broj: 402/22 (10-12/22), februar 2022. godine doradi u skladu sa činjeničnim stanjem na terenu- hidro faza. Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.
- Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
- Na osnovu provedenog postupka konstatuje se da je podnosilac zahtjeva „Ingram“ d.d. Srebrenik ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije proizvodnog

kompleksa objekata betonare, sa pratećim sadržajima, izgrađenih na zemljištu označenom kao k.č. broj: 89/2 K.O. Uroža, Grad Srebrenik, te je riješeno kao u dispozitivu ovog Rješenja. Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-004-5/23 od 13.02.2023. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B obrazloženja rješenja



Po ovlaštenju

Rukovodilac sektora za izdavanje vodnih akata

Haris Ališehović
Haris Ališehović, dipl. inž. građ.

Dostaviti:

- „Ingram“ d.d. Srebrenik
- Industrijska bb 75350 Srebrenik, (Prilog),
- AVP Sava, ISV – Vodna knjiga,
- Sektor 50,
- ⓪ Sektor 40, arhiva,
- Oglasna ploča-AVP Sava